

მისამა გამამტყუნებელი ვერდიქტი ვერდიქტი

დამნაშავეა - ასეთი გამამტყუნებელი ვერდიქტით დასრულდა თანამედროვე მართლმსაჯულების ისტორიაში ნაფიცი მსაჯულების მონაწილეობით განხილული მესამე საქმე. ისევე, როგორც წინა შემთხვევებში, ვერდიქტის გამოსატანად, 12 რიგითი მოქალაქისთვის კანონით გათვალისწინებული პირველი სამი საათი საკმარისი არ აღმოჩნდა. თათბირისთვის მათ დამატებითი დრო დასჭირდა.

საუბარია 2011 წლის 17 ოქტომბერს, რუსთაველის გამზირზე მომხდარ მკვლელობაზე. 23 წლის ზურაბ ტარყაშვილს თავდამსხმელებმა 11 ტყვია ესროლეს, მათ შორის ერთი საკონტროლო.

ზურაბ ტარყაშვილის მკვლელობიდან რამდენიმე საათში შინაგან საქმეთა სა-

მინისტრომ განაცხადა, რომ საქმე გახსნილი იყო და მკვლელობის მოტივად შურისძიება დაასახელა.

საქმე ისაა, რომ 2010 წლის მარტის თვეში, გრიბოედოვის ქუჩაზე "არტ კაფეში" მოკლეს 21 წლის სანდრო გოგბერაშვილი. ზურაბ ტარყაშვილი სწორედ ამ დანაშაულში მონაწილეობისთვის

ხულიგნობის ბრალდებით იხდიდა სასჯელს და საპატიმრო მკვლელობამდე ერთი კვირით ადრე დატოვა. თავდაპირველად, გავრცელდა ვერსია, რომ ზურაბ ტარყაშვილზე გოგბერაშვილის მამამ იძია შური.

მოგვიანებით, სამართალდამცველებმა დააკავეს მკვლელობაში ბრალდებული დათო რუსიშვილი. მან დანაშაული, თავდაპირველად, აღიარა და დეტალურად აღწერა, როგორ დაიგეგმა და განხორციელდა მკვლელობა, თუმცა მოგვიანებით, ჩვენება შეცვალა.

გაზრძალა
მ-2 გვარდია

"გლობალ TV-ის" ამერიკელი მედიკოსი მოხმის სახით დაიკითხა



ალექსანდრე რონესი

მას შემდეგ, რაც გლობალ კონსალტინგ გრუპის საქმიანობაზე პირველი ინსტანციის სასამართლომ მსჯელობა დაამთავრა და ბიძინა ივანიშვილს სატელიტური ანტენების პოლიტიკური მიზნით დაყენების ფინანსური უზრუნველყოფისთვის 126 220 190 ლარი დააკისრა, კომპანია სამართალდამცველების ინტერესის სფეროში მოექცა. გუშინ გავრცელდა ინფორმაცია, რომ თბილისის საერთაშორისო აეროპორტში "გლობალ TV"-ის ამერიკელი მედიკოსი ალექსანდრე რონესი დააკავეს. რონესი 17 საათზე თბილისიდან მოსკოვში გაფრენას აპირებდა, იქიდან კი აშშ-ში უნდა გადაფრენილიყო.

გაზრძალა
მ-2 გვარდია

სამხედრო ინტარვენციის საფრთხე სირიაში



გაეროს დამკვირვებელი ლატაკიაში

სათუნა გახივი

სირიაში სამოქალაქო ომი არ არის, განაცხადა ქვეყნის საგარეო უწყების ხელმძღვანელმა, მაგრამ ფაქტები საპირისპიროზე მეტყველებს. არ წყდება ამბოხებულთა ქალაქების სახელით ცნობილ დასახლებულ პუნქტებზე იერიში. აფეთქება მოხდა დამასკოშიც, სადაც თვითმკვლელობა ბომბი მანქანის ავტოსადგომზე გაჩერების შემდეგ ამოქმედდა. ინციდენტის შედეგად ორი ადამიანი დაშავდა, გარშემო მდგომი ავტომობილები და ახლომდებარე შენობა-ნაგებობები კი სერიოზულად დაზიანდა.

გაზრძალა
მ-6 გვარდია

ოლიმპიური სიმღერა

ნინი ბადურაშვილი ქართველ პარაოლიმპიელებს გაამხნევეს

ანა ნულუკიძე

წლის ყველაზე მთავარი სპორტული მოვლენის - ლონდონის ოლიმპიადის დასრულებიდან

რამდენიმე დღეში სტარტს პარაოლიმპიადის აიღებს. თუ ოლიმპიურ თამაშებზე მონაწილეობისთვის ქართველ სპორტსმენებს ჯერჯერობით 30 ლიცენზია აქვთ მოპოვებული, პარაოლიმ-

პიადისთვის მხოლოდ ორი სპორტსმენი - ძალოსანი შოთა ომარაშვილი და მოცურავე ნიკა თვარული ემზადებიან.

გაზრძალა
მ-4 გვარდია



1 აშშ დოლარი	1.6340\$
1 ევრო	2.0441\$
1 ინგლისური გირვანკა	2.5383\$
1 თურქული ლირა	0.8893\$
100 რუსული რუბლი	5.0144\$
თბილისი	32°C - 21°C
ქუთაისი	39°C - 24°C
თელავი	34°C - 19°C
ზუგდიდი	39°C - 23°C
ბათუმი	33°C - 23°C
ნავთობი	2.64 +0.01 +0.52%
გაზი	2.19 -0.04 -1.73%
ოქრო	1,611.90 -1.90 -0.12%
ხორბალი	621.50 +5.50 +0.88%

იტალიურად

ზურაბ თალაკვაძე

იტალია იტალიურად სერიოზულად ევროგარჩევაში. დინჯად, ცოტა მოუქნელად და იტალიურად. ესპანეთთან ცისფერი ბიჭები ესპანელებით დაქროდნენ და რალაც მომენტში, იტალია ესპანეთზე ესპანეთი იყო. ხორვატიასთან უკვე პირველი ნომრი-

დან თამაში უნდა წასულიყო და იტალიამ იტალიურად ირბინა. მინიმალური რისკი, მაქსიმალური სიფრთხილე და აბადოკების ბეგრჯერ, ნაზად გასწორება. ხორვატიაც იტალია იყო. ერთი შეცდომით მთელი ეს ამბავი მორჩა ისე, როგორც დაიწყო.

გაზრძალა
მ-8 გვარდია



ანდრეა პირლომ იტალია დაანინაურა

ფასდაკლების კუპონი

აქცია ექსკლუზივი

24 საათი Weekend გაკურსალაპარს გამომცემლობა საქართველოს ფოსტა GEORGIAN POST

4 ივნისიდან 4 ივლისის ჩათვლით! ექსკლუზიურად „24 საათის“ და „Weekend“-ის მკითხველისთვის!
● ამოჭერი კუპონი და მიიღე ექსკლუზიური ფასდაკლება „გაკურსალაპარის“ გამომცემლობის წიგნებზე „საქართველოს ფოსტის“ პრესის ჯიხურებში მთელი საქართველოს მასშტაბით, თქვენთვის მოსახერხებელ ადგილას.
● აირჩიე 5 წიგნიდან შენთვის სასურველი 1 წიგნი და შეიძინე საუკეთესო ფასად!

ყვავი ცალინინდა ოინგაზოგს	5.90	4.90
ჰარი პოტარი და საიღუმლო ოთახი	9.00	4.00
ფალიაშვილის ქუჩის კაღლაპი	6.90	3.00
ქართველები ამერიკაში	17.90	11.90
კავკასიის გაოპოლიტიკური ატლასი	15.90	11.00

"24 საათის" ელექტრონული ვერსია იხილეთ Web-გვერდზე www.24saati.ge
ჩვენი პარტნიორები:

თიბისი ბანკი
TBC BANK
ჩვენ ვაძლიერებთ ერთმანეთს

FM 102.4
საინფორმაციო სერვისების ბანკი

ბანკი კონსტანტა
BANK CONSTANTA

ISSN 1987 9121
9 771987 19121001

ოლიმპიური სიმღერა

პირველი გავრცელება

მათ მხარდასაჭერად კი ცალკე პროგრამა მომზადებული - სპორტსმენებს მორალურად ნინი ბადურაშვილის სიმღერა გაამხნევეს.

სწორედ ასე გადაწყვიტა სპორტისა და ახალგაზრდობის სამინისტრომ პარაოლიმპიურ კომიტეტთან და «ბრავო რეკორდსთან» ერთად, ეს უკანასკნელი კი ბადურაშვილის სიმღერის (Brighter Day) ჩანერას, შემდეგ კი მის კლიპად ქვეყნის უზრუნველყოფს. კლიპში, სავარაუდოდ, ის კადრები შევა, რომლებიც ქართველი პარაოლიმპიელების მიღწევებს აღწერს. ასეთი კი არცთუ ბევრია, რადგან ამ მიმართულებით ერთმნიშვნელოვნად არასახარბიელო მდგომარეობაა: ჯერ კიდევ 90-იან წლებში დაარსებულმა ქართულმა პარაოლიმპიურმა კომიტეტმა პირველი სპორტსმენი მხოლოდ 2008 წელს გააგზავნა პეკინის თამაშებზე. ეს გახლდათ ძალოსანი იაგო გორგოძე, რომელმაც მერვე ადგილის დაკავება შეძლო.

ნინი ბადურაშვილის ოლიმპიადში მონაწილეობა მხოლოდ სიმღერის ჩა-



წერითა და კლიპის გადაღებით არ შემოიფარგლება. პარაოლიმპიურ კომიტეტს ქვეყნის მასშტაბით პარაფესტივალი აქვს დაგეგმილი, რომლის დასკვნითი ეტაპიც ივლისში თბილისში ჩატარდება. ცხადია, ნინი ბადურაშვილი ლონდონშიც გაემგზავრება, თუმცა მანამდე სპორტული ბაზის გახსნის

ცერემონიაში მიიღებს მონაწილეობას და იქვე გაიმართება კლიპის პრემიერა. აგვისტოში კი ნინი ბადურაშვილის სიმღერას ლონდონის ოლიმპიურ სოფელშიც მოისმენენ.

ცხადია, ბადურაშვილის სიმღერა, რომლის ავტორიც თავად გახლავთ, ტექსტი კი ბიბი კვაჭაძეს ეკუთვნის,

არ გახლავთ მხოლოდ ერთჯერადი სიმბოლური აქტი. მსგავსი ტიპის მორალური მხარდაჭერა ქვეყანაში პარაოლიმპიური მოძრაობის პოპულარიზაციასაც ითვალისწინებს. როგორც უკვე გითხარით, ამ მხრივ საკმაოდ ცუდი მდგომარეობა გვაქვს, ამიტომ საჭიროა არა მხოლოდ უკვე შემდგარი სპორტსმენების თანადგომა, არამედ შეზღუდული უნარების მქონე დანარჩენი ადამიანების მოტივირებაც, რათა მათი ცხოვრება უფრო აქტიური და საინტერესო გახდეს, რაც მათი საზოგადოებაში ინტეგრირების წინაპირობაც გახლავთ.

პარაოლიმპიადამ მთავარი ოლიმპიური თამაშების დასრულებისთანავე იმართება, მისი ისტორია კი საკმაოდ ვრცელია: 1948 წელს გერმანელმა ექიმმა სკოტ გუტმანმა მეორე მსოფლიო ომის ბრიტანელი ვეტერანებისთვის სპორტული ღონისძიება ჩაატარა, რადგან მიიჩნევდა, რომ სპორტი შეზღუდული ფიზიკური შესაძლებლობების მქონე ადამიანების, განსაკუთრებით კი ძვლის ტვინის დაზიანებების მქონეთა რეაბილიტაციისთვის

ერთ-ერთი საუკეთესო გზა იყო. მისი თავდაპირველი სურვილი ასეთი ადამიანებისთვის ოლიმპიური თამაშების ორგანიზება იყო, რაც საბოლოოდ განახორციელა კიდევ. თავიდან ამ შეჯიბრში მხოლოდ ბრიტანელები მონაწილეობდნენ, თუმცა 1952 წელს ჰელსინკის თამაშებზე ბრიტანელებს ჰოლანდიელებიც შეუერთდნენ, რამაც თამაშებს საერთაშორისო სტატუსი მიანიჭა, ხოლო 1960 წლის რომის ოლიმპიადის შემდეგ გამართულ შეჯიბრებებში 23 ქვეყნის 400 წარმომადგენელი მონაწილეობდა. 1976 წლიდან პარაოლიმპიადში ზამთრის სახეობებიც ჩართეს. ასეთი ისტორიის მიუხედავად, პარაოლიმპიური თამაშების დაბადების ოფიციალურ თარიღად მაინც 1988 წელი მიიჩნევა, რადგან სწორედ ამ წელს გამოიყენეს პარაოლიმპიელებმა იგივე არენები, რომლებზეც მანამდე მთავარი ოლიმპიური შეჯიბრებები ტარდებოდა.

აქვე შეგახსენებთ, რომ წლევანდელი პარაოლიმპიური თამაშები ლონდონში 29 აგვისტოს გაიხსნება და 9 სექტემბრამდე გასტანს.

ლექსი, როგორც ფენომენი და მისი მკვლევარები

ბალა ჩეხურიზმილი

13-14 ივნისს შოთა რუსთაველის სახელობის ქართული ლიტერატურის ინსტიტუტში ლექსთმცოდნეობის მეხუთე სამეცნიერო სესია იმ ტრადიციის გაგრძელებაა, რომელიც 90-იან წლებამდე ყოველწლიური სემინარის სახე ჰქონდა. ლექსის გარშემო სამეცნიერო-ანალიტიკური სჯა-ბაასი ლიტერატურის ინსტიტუტში 2008 წლიდან აღდგა უკვე ყოველწლიურ ფორმატში. ეს არის ლექსის ორი დღე, სადაც თავს იყრიან ლექსის პოეტიკისა თუ ვერსიფიკაციის საკითხებზე მომუშავე სპეციალისტები საქართველოს სხვადასხვა უნივერსიტეტებიდან და როგორც ინსტიტუტის დირექტორი ირმა რატიანი აღნიშნავს, სემინარი სულ უფრო მეტად აქტუალური და პოპულარული ხდება, რაც მის მიმართ სტუდენტების არნახულ ინტერესში გამოიხატება. ახალგაზრდა მონაწილეთა რიცხვი წლიდან წლამდე იზრდება, რომელთა შორის არიან მაგისტრანტები და დოქტორანტები. ირმა რატიანის თქმით, ლექსთმცოდნეობის აღნიშნული სესია, ერთის მხრივ, სამეცნიერო კვლევების პრეზენტაციას წარმოადგენს, მეორეს მხრივ კი, მას ახალი კადრების დათვალიერების ერთგვარი ფუნქცია აქვს:



მეცნიერები აკვირდებიან პროცესს - ვინ მოდის მომავლიდან.

მომავლიდან კი, რაც უცნაურადაც უნდა მოგვეჩვენოს, დღეს ჩვენს პრაგმატულ საუკუნეში, როცა ახალგაზრდობა პროფესიის არჩევისას საბანკო-სამომხმარებლო სექტორზე აკეთებს სწორებას, კიდევ არიან ისეთები, ვინც საქმედ ლიტერატურის კვლევას ირჩევენ და კიდევ უფრო უცნაური და გასახარია, რომ მათ შორის

მამრობითი სქესის წარმომადგენლები ჭარბობენ.

რაც შეეხება წლევანდელ სესიას, იგი ცისფერყანწებების შემოქმედებას მიეძღვნა და ნაშრომთა ძირითადი თემატიკა ეხებოდა ცისფერყანწელთა მიმართების საკითხს მოდერნიზმთან და ავანგარდთან, ასევე ფერის სიმბოლიკის პრობლემას, მიმართებას ვერლიბრთან და მათ ლექსთწყობას. კონფერენციის მონაწილეებმა მოისმინეს

ლევან ბრეგვაძის კვლევა "ტიციან ტაბიძის დადასტურებული მადრიგალები", ბელა ნიფურას "ციფერის ყანწები და ავანგარდი", ლალი ავალიანის "ციფერის ორდენი - ნოვატორობა, ტრადიცია, ეკლექტიკა"; თამარ ბარბაქაძის "ციფერყანწელთა მეტრიკა (შალვა კარმელი, კოლაუ ნადირაძე, რაუდენ გვეტაძე)"; ქეთევან ელაშვილის "ციფერის მხატვრული დიპაზონი ცისფერყანწელებთან" და სხვა.

ლექსთმცოდნეობის სამეცნიერო კონფერენციის თემატიკა ყოველწლიურად იცვლება. გასულ წლებში მეცნიერებს განსახილველად ჰქონდათ ანა კლანდაძის, ლადო ასათიანის, გიორგი ლეონიძის, მუხრან მაჭავარიანის შემოქმედება. "სესია ინტერდისციპლინარულია და წარმოდგენილი მოხსენებები არა მხოლოდ ლიტერატურათმცოდნეობითი ხასიათისაა, მონაწილეობას იღებენ ენათმეცნიერები, ფოლკლორისტები, ფილოსოფოსებიც კი და ყველა მათგანს აქვს ლექსის კვლევის თავისი ნიშა. კონფერენციის შედეგი კი არის კრებული, რომელიც სესიის შემდეგ წიგნად გამოიცემა. კრებულში შედის ყველა ნაშრომი, მათ შორის, სტუდენტურიც, რაც დიდი სტიმული და პრესტიჟია ახალგაზრდობისთვის. სარჩევს რომ ჩახედოთ, აბოლონ სილაგაძის, ლევან ბრეგვაძის თუ ზაზა აზზიანის

გვერდით საკუთარი გვარის დაფიქსირება მართლაც პატივია. ეს კონფერენცია, შეიძლება ითქვას, სტუდენტებისათვის არის მასტერკლასი, რომელსაც ისინი სხდომების მუდმივი წევრების - ლევან ბრეგვაძის, ქეთი ელაშვილის, კობა ბრეგვაძის, ვაგა ლომიძისაგან იღებენ. ეს მეცნიერები სწორედ სტუდენტების მუშაობაზე არიან ორიენტირებული. სტუდენტები ინიშნავენ ყველა შენიშვნას და პუბლიკაციისათვის უკვე გასწორებული ნაშრომები შემოაქვთ," - ამბობს ირმა რატიანი.

როგორც ლიტერატურის ინსტიტუტის დირექტორი აღნიშნავს, ვინაიდან ამ წლებში ლექსთმცოდნეობის სამეცნიერო კონფერენციამ უამრავი მსმენელი და დაინტერესებული პირი მიიზიდა, დადგა დრო, ლიტერატურის ინსტიტუტში აღდგეს ყოველწლიური სემინარიც, რომელიც მუშაობას უკვე მომავალი წლიდან დაიწყებს და სამეცნიერო ხასიათის გარდა, იქნება ერთგვარი მასტერკლასი ყველასათვის, ვისაც აინტერესებს ლექსი, როგორც ფენომენი, და შეხვედრა ამ ფენომენის მკვლევარებთან. ვფიქრობთ, ეს მეტად საინტერესო და აქტუალური პროექტია მეცნიერთა მხრიდან იმ ქვეყანაში, სადაც საზოგადოების 50 პროცენტი პოეზიას თვითპრეზენტაციის ფორმად იყენებს.



გაცვილებით ეფექტური




თებებთ თრეა ენდ ბას

დ. აღმაშენებლის ხეივანი 89-12 კმ №5; თბილისი, საქართველო
☎ 995 32 226 44 44
info@man.com.ge; www.man.com.ge



ყაზახი მესაზღვრის საქვო აღიარება



მაისის ბოლოს ჩინეთისა და ყაზახეთის საზღვარზე მდებარე "არკანკერგენის" დროებით საგუშაგოზე, სადაც ზაფხულობით 15 მესაზღვრე მსახურობს, 14 მესაზღვრისა და ერთი მეტყვეის ცხედარი აღმოაჩინეს. რამდენიმე დღის შემდეგ კი დააკავეს ერთადერთი გადარჩენილი მესაზღვრე ვლადისლავ ჩელახი. ოფიციალური ინფორმაციით, ჯარისკაცმა დანაშაული - 14 თანამებრძოლისა და მეტყვეის მკვლელობა აღიარა.

სამხედრო პროკურატურის განცხადებით, 19 წლის ჩელახი იმიტომ გაუსწორდა დანარჩენ მესაზღვრეებს, რომ ერთ-ერთი მათგანი მას სისტემატიურად ამცირებდა და შეურაცხყოფას აყენებდა. მისი აღარებითი ჩვენების ვიდეორჩანაწერი მთავარი სამხედრო პროკურორის ბრიფინგზე აჩვენეს. ვიდეორჩანაწერის მეორედ მოსმენის შემდეგ მოხერხდა დაფიქსირება, რომ ჩელახის საძულველი ჯარისკაცი იყო აგანას კამბარი. დაპირისპირების მთავარი მიზეზი გახდა ის, რომ კამბარს ეზარებოდა მორიგეობაზე წასვლა, რის გამოც ჩელახმა მას შენიშვნა

ნა მისცა და მიუთითა, რომ სხვასაც სურდა ძილი, რასაც კამბარის მხრიდან აგრესია მოჰყვა. "უნდოდა, როგორმე დაერტყა. უბრალოდ, შემაშინა და წავიდა," - განაცხადა პირობითმა ეჭვმიტანილმა. მან განცხადებაში ასევე აღნიშნა, რომ დანაშაულის ჩადენას არ აპირებდა: "უბრალოდ, აფეთქედი და წავიდი. მთელი დრო, რაც მე იქ ვმუშაობდი, ძალიან ხშირად მამცირებდნენ და შეურაცხყოფას მაყენებდნენ," - განაცხადა მან. მისი ჩვენების მიხედვით, მეტყვევე მხოლოდ იმიტომ მოკლა, რომ მოსმე არ დარჩენილიყო.

მთავარი სამხედრო პროკურორის მერზადინოვის განცხადებით, მტკიცებულებები ჩელახის აღიარებას ემთხვევა. ჩელახმა დანაშაულის ის დეტალები იცოდა, რომლებიც მხოლოდ მკვლელს შეიძლებოდა სცოდნოდა. მას აღმოუჩინეს საგუშაგოს მეთაურის იარაღი, ორი ტელეფონი, ნოუტბუქი, 12 000 ტენგე (დაახლოებით 90 დოლარი) და მოკლული მეტყვეის ფოტოპარატი. თუმცა მერზადინოვი ასევე აღნიშნავს, რომ მიუხედავად ჩელახის ჩვენებისა, მოცემულ სიტუაციაში გამოძიებას არ შეუძლია დანამდვილებით თქვას, რომ ტრაგედია მესაზღვრეებს შორის დაურეგულირებელი ურთიერთობის გამო მოხდა. ჩელახის პიროვნებას საბავშვო ბაღის პერიოდიდან სწავლობენ და მას სერიოზული ფსიქოლოგიური ექსპერტიზაც ჩაუტარებდა.

საზოგადოებრივი ფონდის "ამანსაულიკის" განცხადებით, ჩატარდება დამოუკიდებელი გამოძიება და მასში ჩართული იქნებიან საზოგადოების წარმომადგენლები და არასამთავრობო ორგანიზაციები, რადგან ისინი ოფიციალურ ვერსიას არ ეთანხმებიან და მიიჩნევენ, რომ მიუხედავად ჩელახის აღიარებითი ჩვენებისა, ამ საქმესთან დაკავშირებით მაინც "ბევრი გაურკვეველობაა."

ცოტა ხნის წინ ჩელახის დედამ სვეტლანა ვაშჩენკომ განაცხადა, რომ შეილთან 5-წუთიანი შეხვედრის დროს მან მოასწრო ეთქვა დედისთვის, რომ არავინ მოუკლავს. ქალის აზრით, მას აიძულეს ჩვენების მიცემა, რასაც ადასტურებს შრამი სახეზე. ჩელახის ბაბუის, ვლადიმერ ჩელახის განცხადებ

ბით კი, ოფიციალური ვერსიისა მოკლული ჯარისკაცების ნათესავებსაც არ სჯერათ. მის განცხადებაში საუბარია, რომ ერთ-ერთი ჯარისკაცის სხეულზე მისმა მშობლებმა დანით მიყენებული ჭრილობები აღმოაჩინეს, რაც ეჭვქვეშ აყენებს ოფიციალურ ვერსიას, რომლის მიხედვითაც ჩელახმა თანამშრომლები იარაღით დახოცა.

გარდა გამოძიების მიმართ ნათესავების უნდობლობისა, ადგილობრივი მასმედიაც არ იაზიარებს აზრს, რომ 1 ადამიანს შეეძლო 14 შეიარაღებული ადამიანის მოკვლა, თან ისე, რომ მათ წინააღმდეგობაც ვერ გაეწიათ. ექსპერტების თქმით, ტექნიკურად ეს გამოცდილი სპეცრაზმელისთვისაც კი თითქმის შეუძლებელია. დამოუკიდებელი ექსპერტებიც და რიგითი მოქალაქეებიც ეჭვობენ, რომ ჩელახს ცრუ ჩვენების მიცემა აიძულეს, რათა ხელი დაეფარებინათ სხვა დამნაშავეებისთვის, რომელთა შორისაც ნარკოდიდურები და ტერორისტები მოიაზრებიან.

ამ აზრს არ ეთანხმებოდა "31 არხის" ან უკვე ყოფილი წამყვანი ვლად დლინოვი, რომელმაც უარი განაცხადა, ჩელახისთვის პირდაპირ ეთერში "დამნაშავე" ეწოდებინა და სამსახური დატოვა. თუმცა შემდეგ განაცხადა, რომ მისი განთავისუფლება პირდაპირ დაკავშირებული არ იყო "არკანკერგენის" ფაქტთან.

ამ ფაქტის შემდეგ ქვეყნის საზღვრის დაცვის სამსახურის უფროსმა ნურუან მირზალიევმა გადადგომის შესახებ განცხადება გააკეთა. გარდა ამისა, დაკავებული თანამდებობიდან გაათავისუფლეს უშარალსკის სასაზღვრო რაზმ "შიგიცის" ხელმძღვანელიც.

ჩელახის ნათესავებმა მათთვის გამოყოფილ სახელმწიფო ადვოკატზე უარი განაცხადეს და კერძო ადვოკატის დასაქირავებლად სახსრების მოძიება დაიწყეს.

კამერონი ლევსონის კომისიამ დაკითხა

გუშინ დიდი ბრიტანეთის პრემიერ-მინისტრი დევიდ კამერონი ლევსონის გამოძიებო კომისიის წინაშე წარდგა. მას, ძირითადად, მედიამაგნატ რუპერტ მერდოკთან და მის ახლობლებთან კავშირზე მოუწია პასუხების გაცემა.

როგორც ბრიტანელი პოლიტიკური კომენტატორები აღნიშნავენ, ეს ერთ-ერთი ყველაზე მძიმე გამოცდა იქნება პრემიერ-მინისტრისათვის.

მერდოკის ერთ-ერთი გაზეთის მიერ განხორციელებულ სატელეფონო მოსმენებთან დაკავშირებით ამ დროისათვის 50 ადამიანი ჰყავთ დაპატიმრებული და გაშვებული. საქმე ეხება ცნობილი, მათ შორის, პოლიტიკური ფიგურების, აგრეთვე დაღუპული ადამიანების სატელეფონო მოსმენებს, ელექტრონული ფოსტის ნაკითხვასა და კორუფციას (პოლიციისგან სკანდალური ინფორმაციის ყიდვას).

წინასწარვე ცნობილი იყო, რომ კითხვები შეეხებოდა რებეკა ბრუქსთან (მერდოკის მედიაკორპორაციის ბრიტანული ფილიალის «ნიუს ინტერნეიშენალის» ყოფილი ხელმძღვანელი) კამერონის ურთიერთობას; ენდი კულსონის დაქირავებას (News of the World ის ყოფილი რედაქტორის მოადგილე) და BskyB-ის (ბრიტანეთის უდიდესი თანამგზავრული ტელევიზია) ირგვლივ შექმნილ სიტუაციას.

კამერონმა კატეგორიულად უარყო კონსერვატორებსა და News Corp-ს შორის შეთქმულების არსებობა, რომელსაც "უაზრობა" უწოდა. როგორც კამერონმა აღნიშნა, იგი რებეკა ბრუქსის მეგობარი 2008 წლამდე იყო. პრემიერმა ისიც განაცხადა, რომ მისი პარტიის მსგავსად, ლიბორისტული პარტიის პოლიტიკოსებიც დაახლოებული იყვნენ მერდოკის მედიაიმპერიასთან.

ცნობისათვის, ლევსონის გამოძიებამ დაადგინა, რომ ოპოზიციაში ყოფნის დროს კამერონი 19-ჯერ შეხვდა ბრუქსს, 15-ჯერ - ჯეიმს მერდოკს და ათჯერ - რუპერტ მერდოკს.

რებეკა ბრუქსსა და მის მეუღლეს ჩარლის სატელეფონო მოსმენებზე მიმდინარე გამოძიებისათვის ხელის შეშლაში ედებათ ბრალი. რებეკა ბრუქსს, საკუთარი სამსახურებრივი ინტერესებიდან გამომდინარე, ასევე კარგი ურთიერთობები ჰქონდა წინა ორ პრემიერთან - ტონი ბლერთან და გორდონ ბრაუნთან.

მინისტვრა თურქეთის სამხრეთ-აღმოსავლეთით


დღეს თურქეთის სამხრეთ-აღმოსავლეთით 5,5 მაგნიტუდის მიწისძვრა მოხდა. აღნიშნულის შესახებ სტამბულის კანდილის ობსერვატორია იუწყება. ეპიცენტრი ერავის საზღვართან ახლოს მდებარეობდა. ამ დროისათვის უცნობია, მოჰყვა თუ არა მიწისძვრას მსხვერპლი და ნგრევა. გასული წლის ოქტომბერში თურქეთის აღმოსავლეთით, ვანის პროვინციაში მომხდარ 7,2 მაგნიტუდის მიწისძვრის მიწისძვრას 600 ადამიანი ემსხვერპლა.

მოამზადა თამთა კახაძემ



შპს "თეგეტა ქონსტრუქციონი ქვიფიკატიონი"
დ. აღმაშენებლის ხეივანი 80-1238.
☎ 2244 744 (1211); (1203)
info@jcb.ge; www.jcb.ge

მსოფლიოში ყველაზე ეფექტური
მასშტაბირ-დაბეჭდვითი



სამხედრო ინტერვენციის საფრთხე სირიაში

პირველი გვარდიიდან

სირიის გამო სულ უფრო გამწვავდა ურთიერთობები ამერიკის შეერთებულ შტატებსა და რუსეთს შორის. ერთმანეთის მიმართ ბრალდებებიც გაიზარდა, რაც ექსპერტებს ორი ქვეყნის ურთიერთობებში სერიოზული კრიზისის მორიგ ტალღაზე მიანიშნებს. რუსი ექსპერტები მიიჩნევენ, რომ ოფიციალური მოსკოვი ლიბიის მაგალითის გათვალისწინებით ვაშინგტონთან დათმობებზე აღარ ნავა და მხარს სამხედრო ინტერვენციას არ დაუჭერს. "საკითხი პრინციპულად დგას. მას შემდეგ, რაც კრემლმა მიიჩნია, რომ იგი ლიბიის ომის დროს გააცურეს და სანქციებზე დაითანხმეს, ამ ანკეს მოსკოვი აღარ ნამოეგება. კომპრომისი ამერიკის შეერთებულ შტატებთან ნაკლებად სავარაუდოა. პრეზიდენტის პოსტზე კვლავ პუტინის მოსვლის შემდეგ ამერიკულ-რუსული ურთიერთობები გაუარესდება. ყველაფერი ობამა-პუტინის შეხვედრის შემდეგ გაირკვევა", - აცხადებს მოსკოვის საერთაშორისო ურთიერთობების სახელმწიფო ინსტიტუტის პროფესორი სერგეი ოზნობიშვილი.

თუ ზოგიერთი პოლიტოლოგი მორიგების შანსებს სირიის კონფლიქტის დასრულების გზებზე 50/50-ზე აფასებს, არიან ისეთებიც, ვინც კომპრომისს საერთოდ გამოირიცხებს და შექმნილ მდგომარეობას ჩიხს უწოდებს. რუსეთი ამერიკის შეერთებული შტატების სახელმწიფო მდივნის ჰილარი კლინტონის ბრალდებებს უარყოფს და აცხადებს, რომ იგი სირიას სამხედრო ვერტმფრენებს არ აწვდის, სამაგიეროდ, თავად ვაშინგტონი ამარაგებს სპარსეთის ყურის ქვეყნებს იარაღით, მათ შორის არსენალს არც სირიელი ამბოხებულებისთვის იშურებს. რუსეთის საგარეო საქმეთა



დამასკოში აფეთქებული ავტობუსი

მინისტრის სერგეი ლავროვის მიერ თირანში გაკეთებული საბრალდებო განცხადებას ჰილარი კლინტონი გამოეხმაურა, რომელმაც ლავროვს კამათზე უარის თქმა და მეტი დაფიქრება ურჩია. "ამერიკის შეერთებული შტატები სირიის ოპოზიციას არაერთხელ იარაღს არ აწვდის. ჩვენ იქ ჰუმანიტარულ დახმარებასა და მედიკამენტებს ვგზავნით, რათა სირიელ ხალხს დავეხმაროთ. ჰუმანიტარული ტვირთის ღირებულებამ უკვე 52 მილიონი დოლარი შეადგინა. ჩვენ სირიაში ასევე ვავაზავთ არასამხედრო დახმარებას, მათ შორის, საკომუნიკაციო მოწყობილობები. ასე რომ ჩემ რუს კოლეგასთან კამათს, რომელთანაც მუდმივად განვიხილავთ სხვადასხვა პრობლემას, სჯობს კიდევ ერთხელ მოვეუწოდო კოფი ანანის გეგმის მხარდაჭერისა და სირიის მოქმედ რეჟიმზე ზეწოლის გაძლიერების

კენ", - განაცხადა ჰილარი კლინტონმა.

საკმაოდ მძაფრი განცხადებების მიუხედავად, შეერთებული შტატების სახელმწიფო დეპარტამენტში მიიჩნევენ, რომ მოსკოვი-ვაშინგტონის პირველ დიპლომატთა კამათი უარყოფითად არ იმოქმედებს ორი ქვეყნის ურთიერთობებზე. "ქალბატონ კლინტონსა და ბატონ ლავროვს კონსტრუქციული ურთიერთობა აქვთ. ისინი ხშირად საუბრობენ სხვადასხვა საკითხზე და საკუთარ პოზიციებს ღიად გამოხატავენ. სახელმწიფო მდივანს არ მალავს თავის შეფოთებას სირიაში მიმდინარე პროცესების გამო, რაც ვფიქრობ, დიპლომატიური დაპირისპირების მიზეზი არ უნდა გახდეს", - აღნიშნა ამერიკის შეერთებული შტატების სახელმწიფო დეპარტამენტის სპიკერმა ვიქტორია ნულანდმა.

საგანგებო პრესკონფერენცია

მოსკოვში გამართა რუსეთში სირიის ელჩმა რიად ჰადადმაც, რომელმაც ასადის რეჟიმის მხარდაჭერა ოფიციალური მოსკოვის მხრიდან უარყო. "ჩვენ ბატონი ლავროვისგან უკვე მოვისმინეთ განცხადება იმის თაობაზე, რომ რუსეთი სირიას იარაღს მრავალი წლის წინ გაფორმებული კონტრაქტის შესაბამისად აწვდის. ეს იარაღი საჭირო თვდაცვისთვის არის განკუთვნილი და იგი სანქციებით არ არის აკრძალული", - განაცხადა რუსეთში სირიის ელჩმა. მისი თქმით, სირიაში საოქალაქო ომი კი არა შეიარაღებული დაჯგუფებების წინააღმდეგ ბრძოლა მიმდინარეობს, რომელიც ტერორიზმის გზას დაადგენს. "მათ ზურგს მსოფლიოს უმსხვილესი სახელმწიფოები უმაგრებენ, რომლებიც დიდ თანხებს იხდიან თავიანთი გეგმების შესასრულებლად. სირიის ხალხმა მიიღო გადაწყვეტილება წინ აღუდგას ამ შეთქმულებას. უცხოელები საომარულად მხოლოდ მათ უტრიალებთ თავებში. დასავლეთის მხრიდან საოქალაქო ომზე საუბარი და ბუფერული ზონების შექმნისკენ მოწოდება მხოლოდ იმას ემსახურება, რომ გზა გაიხსნას საგარეო ინტერვენციისთვის", - განაცხადა რიად ჰადადმა.

სირიის წინააღმდეგ კი სანქციების გამკაცრება უკვე მოითხოვა ოფიციალურმა პარიზმა. საფრანგეთის საგარეო საქმეთა მინისტრის განცხადებით, იმ შემთხვევაში თუ კონფლიქტის ორივე მხარე კოფი ანანის გეგმით გათვალისწინებულ ვალდებულებებს არ შეასრულებს, არ უნდა გამოირიცხოს სამხედრო ჩარევის შესაძლებლობა. ამ საკითხს ფრანგული ხელისუფლება ევროკავშირის საგარეო საქმეთა მინისტრიალზე წამოაყენებს, ერთ-

ერთ ვარიანტად კი პარიზი სირიის თავზე არასაფრენი ზონის გახსნას განიხილავს.

სამხედრო ინტერვენციას საუკეთესო გამოსავლად შექმნილ მდგომარეობაში არ მიიჩნევენ ჩრდილო-ატლანტიკური ალიანსის გენერალური მდივანი ანდერს ფოგ რასმუსენი.

მანამდე, ვიდრე საერთაშორისო საზოგადოების აზრი გაყოფილია შეიარაღებული კონფლიქტის რეგულირების გზებზე, დიდი სახელმწიფოების მესვეურთა მიდგომები კი მკვეთრად განსხვავდება ერთმანეთისგან, სირიაში მჭიდროდ დასახლებული პუნქტების დაბომბვა გრძელდება. ასადის არმიის მოქმედებას და შეიარაღებულ ამბოხებულთა წინააღმდეგობას არამარტო სამხედრო პირები, არამედ მშვიდობიანი მოსახლეობა, მათ შორის ქალები და ბავშვები ეწირებიან. ბოლო დროს სულ უფრო გახშირდა თავდასხმები გაერთიანებული ერების ორგანიზაციის სადამკვირვებლო მისიაზეც, რომელთა პირდაპირი მოვალეობაა ქვეყანაში არსებული ვითარების აღწერა და მათი დახმარება, ვისაც მატერიალური, მორალური თუ ფიზიკური ზიანი მიადგა 15 თვიანი ამბოხის შედეგად. არ კლებულობს ასევე ქვეყნიდან გაქცეულთა რაოდენობაც. ბოლო დღე-ღამის განმავლობაში თურქეთს 2 000 ლტოლვილმა მიაშურა. იძულებით გადაადგილებულ პირთა ნაწილი კი თავს ლიბანსა და იორდანისს აფარებს, სადაც იტალიამ გუშინ ჰუმანიტარული ვტირთიც ვავაზენა. გაერთიანებული ერების ორგანიზაციის მონაცემებით, გასული წლის მარტში დაწყებულ ამბოხს და მისი ჩახშობის მცდელობას დღემდე სირიაში 10 ათასზე მეტი ადამიანი შეეწირა.

ტუნისში რადიკალი ისლამისტები ბააქტიურდნენ

გადაყენებულ პრეზიდენტს სამუდამო პატიმრობა მიუსაჯეს

ტუნისში ექსპრეზიდენტ ზინ ალ-აბედინ ბენ ალის კიდევ ერთი სასამართლო პროცესი გაიმართა, რომელზეც ის დამნაშავედ სცნეს 2011 წლის იანვრის აჯანყებულების მკვლელობაში მონაწილეობისთვის და სამუდამო პატიმრობა მიუსაჯეს. მანამდე სასამართლომ ექსპრეზიდენტს 35 წელი მიუსაჯა ფულის გაფლანგვის ბრალდებით, 15 წელი - იარაღისა და ნარკოტიკის შენახვისთვის, 16 წელი - კორუფციისა და თაღლითობისთვის, ასევე 5 წელი - ტუნისელი ოფიცერების წამებაში მონაწილეობისთვის. გარდა ამისა, მას ბრალად ედება "2011 წლის რევოლუციის დროს ძალადობის და არეულობის" ხელშეწყობა, ტუნისის ქალაქ უარდინში, საიდანაც პოლიცია მისი ძმისშვილის გაპარებას ცდილობდა. ამას იმ 4 ადამიანის სიცოცხლე შეეწირა, რომლებიც ამ ოპერაციის ჩაშლას ცდილობდნენ. ოპერაცია მართლაც ჩაიშალა და პრეზიდენტის ძმისშვილი კაის ბენ ალი ახლა უკვე სასჯელს ტუნისის ციხეში იხდის. ამ მოვლენების შედეგად ექსპრეზიდენტს სასამართლომ კიდევ 20 წელი მიუსაჯა, რაც საბოლოო ჯამში შეიკრიბა და 90 წელი თავისუფლების აღკვეთა გამოვიდა. ყველა სასჯელი მას დაუსწრებლად შეუფარდეს, რადგან რევოლუციის შემდეგ საუდის არაბეთში გაიქცა.

ძირითადი ეპიზოდი, რომელიც სასამართლოზე ამჯერად განიხილებოდა იყო - ანტისამთავრობო გამოსვლები ქალაქ თხალასა და სასერინში, სადაც 22 ადამიანი მოკლეს. სასამართლომდე ერთი დღით ადრე კი ყოფილ შინაგან საქმეთა მი-



შეტაკება ისლამისტებთან

ნისტრს რაფიკ ბელხაჟ კასიმს 12 წლით პატიმრობა მიუსაჯეს. ბენ ალისთან დაკავშირებით პროკურატურა სასიკვდილო განაჩენს მოითხოვდა.

ექსპრეზიდენტის სასამართლო პროცესი ტუნისში საკმაოდ მძიმე ფონზე მიმდინარეობდა, რადგან რევოლუციის შემდეგ სიტუაცია ქვეყანაში საკმაოდ დაიძაბა.

ისლამისტი ექსტრემისტები, რომლებიც იკრძალებოდნენ ბენ ალის პრეზიდენტობის დროს, ნელ-ნელა პოზიციებს იმყარებენ. მაგალითად, სალაფიტები, რომლებიც ისლამის რადიკალურ ფრთას განეკუთვნებიან, არასდროს არ იყვნენ განსაკუთრებულად ძლიერები ტუნისში, თუმცა ბოლო დროს სულ უფრო ხშირად მართავენ აქციებს.

მაისის ბოლოს მათ დაარბიეს მაღაზიები, რომლებიც ალკოჰოლს ყიდდნენ. რამდენი დღის წინ კი რადიკალებმა მრავალრიცხოვანი აქცია მოაწყვეს. ამის მიზეზი გახდა "მხატვრული გაზაფხული", სადაც გამოფენილ ზოგიერთი ტილო რადიკალებმა მკრეხელობად მიიჩნიეს. განსაკუთრებული აგრესია გამოიწვია სურათმა, სადაც სიტყვა "ალა-

ჰი" ჭიანჭველებისაგან იყო აწყობილი, ასევე აღშფოთება გამოიწვია ტილოზე გამოსახულმა შიშველმა ქალმა. აღშფოთებულმა ექსტრემისტებმა რამდენჯერმე სცადეს გამოფენის შტურმით ალება და საბოლოოდ აიღეს კიდევ, რის შემდეგაც ყველა "შურაცხმყოფელი" სურათი გაანადგურეს.

გარდა ამისა, ასობით მეამბოხე ქვეყნის სხვადასხვა ქალაქში თავს დაესხა ადგილობრივი ხელისუფლების ორგანოებს, პოლიციის განყოფილებებს, სასამართლო დაწესებულებებსა და პროკურატურას. რადიკალების და პოლიციის დაპირისპირების შედეგად დაიღუპა ერთი და დაშავებულია 100-მდე ადამიანი, მათ შორის, 65 პოლიციელი. დედაქალაქსა და 7 პროვინციაში კომენდანტის საათი გამოცხადდა.

ტუნისის ხელისუფლების თქმით, არ არის გამორიცხული, რომ "ტერაქტებსა" და "აჯანყებებს" კავშირი ჰქონდეთ "ალ კაიდასთან". ამაზე ისიც მიუთითებს, რომ გამოსვლები დაიწყო "ალ კაიდას" ლიდერის აიმან აზ-ზაფხირის ვიდეომიმართვის შემდეგ. მან ტუნისელებს მოუწოდა, რომ მათ "წამდვილი ისლამისთვის" ებრძოლათ.

ამდენად, ტუნისი, რომელიც მიიჩნეოდა ერთადერთ არაბულ ქვეყნად, რომელსაც შეეხო "არაბული გაზაფხული" და სადაც რევოლუცია შედარებით უმტკივნეულოდ ჩატარდა, შესაძლოა, მეზობელი ლიბიის კვალს გაჰყვეს, სადაც ფარული საოქალაქო ომი მიმდინარეობს, ან დესტაბილიზირებული ეგვიპტის ბედი გაიზიაროს.

იტალიურად

პირველი გზარდობა

ჩეზარე პრანდელი ნაკრებში რობერტო დონადონიზე უფრო სუნთქავს, უკომპლექსოდ, თავისუფლად მუშაობს.

ხორვატია მშვიდად აკეთებს საქმეს. ესპანეთი ამ ჯგუფში მიკჯაგერის ბენდია. სულ ჰედლაინერი და მთავარი ჯგუფია. ინისტები და დანარჩენი გენიოსები ბურთს ეფერებიან. იტალიამ ბურთთან ცოტა ცივად ძმაცაობა ისწავლა და იშვიათად აზროვნებს არასტანდარტულად, არაიტალიურად. ბოლო არაიტალიური ნაკრები ადრე (1978), არგენტინაში რომ მსოფლიო იყო, იქ ერთობოდა. ის იტალია არ მახსოვს და ვისაც ახსოვს, პაოლო როსის და დანარჩენი კარგი ბიჭების გახსენებით ისვენებს.

ესპანეთთან იტალიამ დაცვა გაშალა, პერიმეტრზე დააღაგა, ფავორიტს დისკომფორტი შეუქმნა. იმ დაცვაში დე როსი ცენტრში იდგა და ახალ პოზიციაზე სოლიდურად, იტალიურად გააკეთა საქმე. ჯიუტ ბიჭთან იქვე ტრიალებდნენ ჯორჯო კიელინი და სენიორ ბონუჩი. "იუვენტუსის" დობერმანები. ესპანეთმა ერთხელ გადაჭრა ცენტრი და შეასრულა.

ერთი შეცდომა დაუშვა იტალიამ ხორვატიასთანაც. 90 წუთში 1. კიელინიმ დაკარგა პოზიცია და მანჯუკიჩმა ამ ევროზე მესამე გოლი დაირტყა. ხორვატი უკვე ძაგოვეის და გომესის ლიგაშია.

ჯანლუიჯი ბუფონი საკუთარ ტერიტორიაზე ყველაფერს აბალანსებს, იუმორით, პოზიტივით აკეთებს საქმეს. ესპანეთთან ორი სერიოზული სეივი გააკეთა და ხორვატიასთან რაც გაუშვა, ვერ აიღებდა. ბუფონი კუთხის დაკეტვას ვერ ასწრებდა და კიელინი იტალიელმა ბიჭებმა ვერ დააზღვიეს. ხორვატიამ ის ერთი დასვა და დარჩენილ დროში იტალიას ერთნახევარი მომენტი



მანჯუკიჩმა გაათანაბრა

ჰქონდა. არ გამოვიდა და ხორვატია ბოლო ტურის წინ, ესპანურ ვუდს-ტოკზე გადის. ან, ესპანურ ვუდს-ტოკზე მიდის. უკეთესი ჯაზმენებისგან უკეთესი ჯაზის მოსასმენად. ესპანეთი დღეს ფეხბურთის ჯაზია. სრული კომფორტისთვის სენიორ დელ ბოსკეს ის არგენტინელი ონავარი აკლია.

მანჯუკიჩმა და იელაგიჩმა ირლანდიასთან ბევრ დროში ბევრი მოასწრეს. იტალიასთან ცოტა სხვა საუბარი ნავიდა. უფრო უხეში, მეტი გარჩევით და მეტი ფოლით. კონტაქტური სერიალი თითო ქულის ნაღებით დაიხურა. ხორვატია კმაყოფილია. იტალია ტურნირს იტალიურად, ბოლო ტურში ჯეკპოტის მოხსნის სურვილით ამთავრებს. როგორც ხდება ხოლმე. წინა ევრო-

პაზეც იგივე ამბები ნავიდა.

ის ტურნირი დონადონის გუნდმა ჰოლანდიასთან 0:3 გაუგებრობით გახსნა. ჰოლანდიამ დევიდ გილმორის აკორდები აიღო. იტალია ერთცენტრიანი რეჟი იყო. შემდეგი თამაში რუმინეთთან მოდის. იტალია ბუფონმა მოიყვანა აზრზე. მეკარეების მოცარტმა ბოლო წუთებზე პენალტი აიღო და 1:1. მესამე თამაში - საფრანგეთთან. თან, რუმინეთმა ჰოლანდიასთან უნდა წააგოს. ანდრეა პირლომ საფრანგეთს 11 მეტრიდან აკოცა და დე როსიმ ლამაზად შეასრულა საჯარიმო. პირლოზე ლამაზად. იტალიამ 2:0 დასვა. რუმინეთმაც 0:2 დასვა და იტალია მეოთხედფინალში ესპანეთზე გავიდა. იმ გარჩევაში დონადონის ბანდამ პენალტებში ვერ გაქაჩა.

პირლომ ხორვატიასთან პატარა შედეგრი დატოვა. საჯარიმოდან. მოხუცი პლეტიკომა უშანსოდ რჩება. პლეტიკომა კარგი იყო და იმ მომენტში ვერ იბუფონა.

ესპანეთის შემდეგ ეს იტალია ბევრს მოეწონა. მოსანონი მოეწონა. ხორვატიასთან მძიმე, პასიური და არითმიული თამაშით იტალია ძველი, იტალიური იტალიაა. მარიო ბალოტელი ამ ნაკრებში დიდი დოზით ნდობას იღებს და ანტონიო დი ნატალე 90 წუთს ვერ ქაჩავს. ხდება ხოლმე.

კიელინი ამ იტალიაში თითქმის კლაუდიო ჯენტილესა. ჯორჯო ნალდი იტალიელია. მეგობრული, ქალაქური გამოხედვით, ძალიან კარგი, საიმედო დაცვით. კიელინი ნაკრებში რჩება და ეს დიდი ხნის პერსპექ-

ტივაა. უბრალოდ, თუ შენი გუნდის ყველაზე საიმედო მცველი იალლიმს უშვებს, დამზღვევი იქვე უნდა იყოს. ხორვატიასთან ეს არ გამოვიდა.

ამ ევროგარჩევებში იტალია ისევ იტალიურად სეირნობს. ცოტა დინჯად, ცოტა მოუქნელად და იტალიურად. ესპანეთთან ცისფერი გუნდის მოძრავი ბიჭები ესპანელეზივით დაქროდნენ და რალაც მომენტში, იტალია ესპანეთზე ესპანეთი იყო. ხორვატიასთან უკვე პირველი ნომრიდან თამაში უნდა წასულიყო და იტალიამ იტალიურად ირბინა. მინიმალური რისკი, მაქსიმალური სიფრთხილე და აბადოკების ბევრჯერ, ნაზად გასწორება. ხორვატიაც იტალია იყო. ერთი შეცდომით მთელი ეს ამბავი მორჩა ისე, როგორც დაიწყო.

ჩეზარე პრანდელი ნაკრებში რობერტო დონადონიზე უფრო სუნთქავს, უკომპლექსოდ, თავისუფლად მუშაობს.

უბრალოდ, პრანდელის რალაცეებში არ გაუმართლა. თუნდაც იმაში, რომ მოუქნელი და უინტელექტო მარიო ბალოტელი პირველ თერთმეტ კაცში ჰყავს. იტალია ბოლო ტურში რობი კინის ძმაცაცებს ხვდება. საინტერესო ამბები ნავა.

ოთხი წლის წინ, ჰოლანდიამ იტალიას საჭირო საჩუქარი გაუკეთა, რუმინეთს მოუგო. ამ ევროზეც თითქმის იდენტური სიტუაცია მოდის. იტალიამ უნდა მოიგოს და ხორვატია ესპანურ ტყეში უნდა დაიკარგოს.

და იტალია ჯგუფიდან გავა. როგორ გადის ხოლმე, იტალიურად.

ს ჭკუფი

იტალია-ხორვატია 1:1
გოლები: 1:0 პირლო (39), 1:1 მანჯუკიჩი (72)

პარშაპაში რუსები რუსებისგან შველას ითხოვენ

გიგა ბარასაშვილი

ვარშავაში, ევრო 2012-ზე მყოფი რუსი გულშემატკივრების ჯგუფი რუსულ ავიაკომპანიას მიმართავს თხოვნით, "სიცოცხლისთვის სახიფათო" ვითარების გამო ვადაზე ადრე დააბრუნონ სახლში, - ავიაკომპანია "ბელავიას" გენერალური დირექტორის მოადგილეზე, იგორ ჩერგინცზე დაყრდნობით აცხადებს "ინტერფაქსი".

ჩერგინცის თქმით, ავიაკომპანიას "რუსმა გულშემატკივრებმა მიმართეს თხოვნით, უკან დასაბრუნებელი ბილეთები ადრეულ თარიღზე გადაუცვალონ, რადგან შიშობენ, რომ მათ სიცოცხლეს საფრთხე ემუქრება. მათ ერთ ნაწილს ეტყობა ცემის კვალი".

რამდენმა გულშემატკივარმა ისურვა ვარშავიდან დროზე ადრე შინ დაბრუნება, ავიაკომპანიის წარმომადგენელი არ აზუსტებს. მხოლოდ იმას ამბობს, რომ ასეთთა რიცხვი დიდია. თან, იქვე დასძენს, რომ გადაფრენის ვადებში გარკვეული შესწორებები შეიტანეს.

სამშაბათს, რუსეთისა და პოლონეთის მატჩამდე, რუსმა გულშემატკივრებმა ერთგვარი მსვლელობა მოაწყვეს ვარშავის ეროვნული სტადიონისკენ. მსვლელობისას რუს და პოლონელ გულშემატკივრებს შორის მოხდა შეტაკება. ხულიგანთა დასაშლელად ვარშავის პოლიციამ ჰაერში რამდენჯერმე ისროლა და წყლის ჭავლიც გამოიყენა. შეტაკებები მატჩის შემდეგაც გაგრძელდა, რაც 184 ადამიანის, მათ შორის, 25 რუსის დაკავებით დასრულდა. ვარშავის სასამართლომ რამდე-



ნიმე საფეხბურთო ხულიგანს განაჩენი გამოუტანა.

"როიტერის" ცნობით, რვა პოლონელს, რომელიც რუს გულშემატკივართა კოლონას დაესხა თავს, სხვადასხვა სახის განაჩენი გამოუტანეს. მემბოხეთა ერთ ნაწილს ჯა-

რიმის სახით 100 ევრო დაეკისრა, მეორე ნაწილი კი 3-დან 12 თვემდე პირობით სასჯელს მოიხდის.

ვარშავის სასამართლო, პოლონეთ-რუსეთის მატჩამდე და მატჩის შემდგომი არეულობების გარდა, განიხილავს რუსეთ-ჩეხეთის მატ-

ჩის დროს მომხდარ ინციდენტებსაც, როდესაც რუსმა გულშემატკივრებმა გამოიყენეს პეტარდები და დაუშვებელი შინაარსის მქონე ბანერები გამოფინეს.

"ჩვენ, ყველანი, უნდა დაფიქრდეთ. ევროპაში გასულები ვაწყდე-

ბით ნორმალურ საკანონმდებლო ველს, როგორსაც არ ვართ მიჩვეული. შეიძლება მთლიანად დავკარგოთ ფეხბურთი. პროვოკატორები საკმარისად გყავს", - ამბობს რუსეთის ფეხბურთის კავშირის პრეზიდენტი სერგეი ფურსენკო.